

BOSNA I HERCEGOVINA  
FEDERACIJA BOSNE I HERCEGOVINE  
GRAD ZENICA

Broj: ~~02~~-14-18312/17

Datum: 16.10.2017. godine

Na osnovu člana 65. i 66. stav 4. Zakona o pravima, obavezama i odgovornostima pacijenata („Službene novine Federacije Bosne i Hercegovine“, broj: 40/10), člana 14. Zakona o zdravstvenoj zaštiti („Službene novine Federacije Bosne i Hercegovine“, broj: 46/10) člana 4. Odluke Vijeća općine Zenica o osnivanju Zdravstvenog savjeta na nivou općine Zenica broj: 01-01-18312/11 od 29.09.2011. godine i člana 34. Statuta Grada Zenica („Službene novine Grada Zenica“, broj: 05/15), Gradonačelnik Zenice, r a s p i s u j e

**JAVNI POZIV  
za prikupljanje prijava za imenovanje Zdravstvenog savjeta Grada Zenica**

I

Gradonačelnik Zenice raspisuje Javni poziv za prikupljanje prijava za imenovanje Zdravstvenog savjeta Grada Zenica, a u cilju ostvarivanja mjera društvene brige za zdravlje građana i ostvarivanje i unapređenja prava pacijenata.

II

Zdravstveni savjet će brojati 11 (jedanaest) članova i imenovat će ga Gradonačelnik iz reda zdravstvenih i nezdravstvenih struka i to:

- 1 predstavnik Grada Zenica,
- 1 predstavnik UG Crveni križ Zenica
- 1 predstavnik JU Kantonalna bolnica Zenica
- 1 predstavnik JU Zavod za medicinu rada i sportsku medicinu ZDK
- 1 predstavnik JU Dom zdravlja Zenica
- 1 predstavnik JU Apoteke zdravlje Zenica
- 1 predstavnik Ljekarske komore ZDK
- 1 predstavnik Farmaceutске komore ZDK
- 1 predstavnik Nezavisnog strukovnog sindikata radnika u zdravstvu
- 1 predstavnik Udruženja za zaštitu prava pacijenata ( predstavnik pacijenata)
- 1 predstavnik Udruženja mladih
- 1 predstavnik privatnih praksi iz zdravstvene zaštite

III

Mandat članova Zdravstvenog savjeta traje 4 (četiri) godine.

#### IV

Zdravstveni savjet obavlja slijedeće poslove:

- predlaže i evaluira sprovođenje zdravstvene zaštite na području grada Zenica ;
- daje mišljenje na planove i programe zdravstvene zaštite za područje grada Zenica te predlaže mjere za poboljšanje dostupnosti i kvaliteta zdravstvene zaštite na području grada;
- prati pojedinačne povrede prava pacijenata na području grada Zenica ;
- prati primjenu propisa na području grada Zenica koji se odnose na zaštitu prava i interesa pacijenata;
- predlaže poduzimanje mjera za zaštitu i unapređenje prava pacijenata na području grada Zenica
- obavještava zdravstveni savjet u kantonalnom ministarstvu o slučajevima teških povreda prava pacijenata koje mogu ugroziti život ili zdravlje pacijenata;
- obavještava javnost o povredama prava pacijenata;
- podnosi Gradskom vijeću godišnju informaciju o svom radu;
- obavlja i druge poslove određene Zakonom o pravima, obavezama i odgovornostima pacijenata i Zakona o zdravstvenoj zaštiti.

Zdravstveni savjet donosi Poslovnik o svom radu kojim se bliže uređuje organizacija i način rada.

#### V

Pravo učešća na Javnom pozivu za imenovanje u Zdravstveni savjet Grada Zenica imaju osobe iz člana II koji treba da ispunjavaju sljedeće uslove :

1. da imaju završenu srednju, višu ili visoku stručnu spremu ( dokaz , diploma o završenoj školi)
2. da je punoljetni državljanin Bosne i Hercegovine (dokaz: uvjerenje o državljanstvu)
3. da ima prijavljenu adresu prebivališta boravišta na području grada Zenica (CIPS prijava)
4. da ima minimalno tri godine radnog iskustva u instituciji, ustanovi, udruženju, nevladinoj organizaciji ili zdravstvenom sindikatu  
(dokaz: potvrda izdata od strane institucije, ustanove, udruženja, nevladine organizacije ili zdravstvenog sindikata)
5. da uživa ugled i ima evidentne rezultate rada u oblasti u kojoj djeluje  
(dokaz: preporuka izdata od strane institucije, ustanove, udruženja, nevladine organizacije ili zdravstvenog sindikata)

#### VI

Prijava treba da sadrži kraću biografiju o kandidatu, adresu i kontakt telefon kandidata, te dokaze o ispunjavanju uslova navedene u tački V ovog javnog poziva.

#### VII

Nakon isteka roka za prikupljanje prijava, Gradonačelnik će formirati Komisiju za izbor i imenovanje

članova Zdravstvenog savjeta koja će, na osnovu pristiglih prijava, predložiti listu kandidata za imenovanje u Zdravstveni savjet. Gradonačelnik će rješenjem imenovati Zdravstveni savjet, i isto će biti objavljeno u „Službenim novinama Grada Zenica “.

#### VIII

Javni poziv će biti objavljen u medijima, oglasnoj tabli Grada Zenica i web stranici Grada Zenica i ostaje otvoren 15 (petnaest) dana od dana objave u medijima, a o rezultatima javnog poziva podnosioci prijava će biti blagovremeno obaviješteni.

**Prijave sa potrebnom dokumentacijom dostavljaju se u zatvorenoj koverti na protokol Grada Zenica svakim radnim danom od 7,30 do 16,00 sati ili putem pošte na adresu: Grad Zenica putem Službe za boračko-invalidsku i socijalnu zaštitu, stambene poslove i društvene djelatnosti, ulica Trg BiH br. 6, 72 000 Zenica sa naznakom "Prijava na Javni poziv za izbor i imenovanje članova Zdravstvenog savjeta -ne otvarati".**

Na poledini koverta obavezno upisati kontakt podatke o podnosiocu prijave.

Neblagovremene i nepotpune prijave neće se uzimati u razmatranje.



GRADONAČELNIK  
Fuad Kasumović